



**Ministarstvo za ljudska prava i izbjeglice Bosne i Hercegovine  
Agencija za ravnopravnost spolova Bosne i Hercegovine**

Na osnovu Posebnog sporazuma između Vijeća ministara Bosne i Hercegovine, koje zastupa Ministarstvo za ljudska prava i izbjeglice Bosne i Hercegovine i Švedske, koju zastupa Švedska agencija za međunarodni razvoj i saradnju (Sida), za podršku provođenju programa FIGAP II (2017 – 2021) i Supsidijarnog sporazuma između Ministarstva za ljudska prava i izbjeglice Bosne i Hercegovine, Gender centra – Centara za jednakost i ravnopravnost polova Republike Srpske i Gender Centra Federacije Bosne i Hercegovine, te Pravila o organizaciji i radu FIGAP II Programa, a u skladu sa Godišnjim planom rada FIGAP II Programa za 2019.godinu, Agencija za ravnopravnost spolova Bosne i Hercegovine, Ministarstva za ljudska prava i izbjeglice Bosne i Hercegovine, objavljuje:

**JAVNI POZIV**

**za podnošenje prijedloga projekata za dodjelu sredstava nevladinim organizacijama i drugim organizacijama civilnog društva (vaninstitucionalnim partnerima FIGAP II programa) koji će se finansirati iz sredstava FIGAP II programa**

**O programu FIGAP II**

Agencija za ravnopravnost spolova Bosne i Hercegovine, Ministarstva za ljudska prava i izbjeglice BiH (ARS BiH,MLJPI) u saradnji sa Gender Centrom Federacije Bosne i Hercegovine (GC FBiH) i Gender centrom Republike Srpske (GC RS), izradila je Finansijski instrument za provedbu Gender akcionog plana Bosne i Hercegovine - FIGAP II program (2018 – 2021), kako bi osigurala sredstva za provedbu Gender akcionog plana Bosne i Hercegovine 2018-2022 (GAP). Cilj FIGAP II programa je da osigura finansijsku podršku institucijama Bosne i Hercegovine, Republike Srpske i Federacije Bosne i Hercegovine, kao i nevladinim organizacijama za provođenje aktivnosti s ciljem unaprjeđenja socio-ekonomskih uslova za muškarce i žene, djevojčice i dječake u Bosni i Hercegovini. Finansijsku podršku za provođenje FIGAP II programa osigurala je Švedska agencija za međunarodni razvoj i saradnju (Sida) putem Posebnog sporazuma za podršku provođenju Programa FIGAP II potpisanog sa Ministarstvom za ljudska prava i izbjeglice Bosne i Hercegovine.

U okviru odobrenog budžeta FIGAP II programa za 2020. osigurana su grant sredstva u iznosu od 110.000,00 KM koja su namijenjena za projekte nevladinih organizacija

(vaninstitucionalnih partnera) po prioritetnim oblastima GAP BiH/FIGAP II. Grant sredstva se dodjeljuju u skladu sa **Priručnikom za dodjelu sredstava/grantova** u okviru FIGAP II programa, koji je integralni dio navedenog Posebnog sporazuma. Priručnik sadrži **Smjernice za izradu projektnih prijedloga i kriterija za dodjelu projekata koji se finansiraju iz FIGAP II programa i Prijavni obrazac za projektne prijedloge vaninstitucionalnih partnera**.

**Naziv granta: Grant sredstva nevladinim organizacijama za projekte u prioritetnim oblastima GAP BiH**

**Namjena granta** je podrška nevladinim organizacijama za projekte koji doprinose implementaciji Strateškog cilja 1 GAP BiH u prioritetnim oblastima:

- Rad, zapošljavanje i pristup ekonomskim resursima
- Rod i sigurnost

**1. Grant sredstvima u prioritetnoj oblasti GAP BiH: Rad, zapošljavanje i pristup ekonomskim resursima** će biti podržani projekti koji doprinose ekonomskom osnaživanju žena i sigurnosti prihoda za žene, kroz razvijanje i jačanje ženskog poduzetništva, posebno u kontekstu odgovora na posljedice COVID-19 pandemije i jačanje ekonomske sigurnosti žena, uključujući:

- Podršku ženama za promociju njihovog učešća u industriji turizma, prehrane i obnovljivih izvora energije
- Unaprijeđenje okruženja za ostvarivanje prihoda za žene iz ruralnih područja

Podrška projektima u ovoj oblasti GAP BiH je u skladu sa **CEDAW preporukom 40 za BiH** iz oblasti **Ekonomске i društvene koristi**: Odbor skreće pažnju na cilj **5.A Ciljeva održivog razvoja** i preporučuje Državi članici da:

- preduzme korake za uklanjanje prepreka za jednak pristup žena zemljištu i drugoj imovini, uključujući kampanje za podizanje svijesti o jednakim pravima žena na imovinu i nasljeđe, u cilju unapređenja pristupa žena finansijskim kreditima i zajmovima;
- usvoji ciljne mjere i omogući obuku žena za promociju njihovog učešća u industriji turizma, prehrane i obnovljivih izvora energije, kao i u odlučivanju u razvoju i provođenju ekonomskih razvojnih strategija i politika;

Također prema općoj preporuci br. **34 (2016) o pravima žena iz ruralnih područja**:

- Usvoji ciljne mjere za stvaranje prilika za ostvarivanje prihoda za žene iz ruralnih područja širom Države članice

**2. Grant sredstvima uprioritetnoj oblasti GAP BiH: Rod i sigurnost** će biti podržani projekti koji doprinose implementaciji transferzalne oblasti GAP BiH: **Unaprijeđenje položaja višestruko marginaliziranih grupa žena, uključujući**

- Podršku i pomoć ženama i djevojčicama u slučajevima kriznih i vanrednih situacija sa posebnim naglaskom na migrantsku krizu u BiH;

- Poklanjanje pažnje posebnim potrebama žena i djevojaka/čica izbjeglica i onih koje traže azil,

Podrška projektima u ovoj oblasti GAP BiH doprinosi realizaciji **Akcionog plana za implementaciju Rezolucije Vijeća sigurnosti UN-a 1325 „Žene, mir i sigurnost“ u BiH za period 2018.-2022. godine** („Službeni glasnik BiH“, broj 1/19) strateški cilj 2: Povećan stupanj ljudske sigurnosti kroz prizmu rodne ravnopravnosti, srednjoročni cilj 2.3.: Unaprijeđen rodno odgovoran pristup i sistemi podrške u uslovima aktuelnih sigurnosnih prijetnji i izazova ,

Također, podrška projektima u ovoj oblasti je u skladu sa **CEDAW preporukom 44** za BiH (Žene iz ugroženih grupa stanovništva), koja poziva državu članicu da da:

- ( c ) proširi pokriće socijalnim osiguranjem za žene i djevojke/čice migrante;
- ( d ) pozabavi se posebnim potrebama žena i djevojaka/čica izbjeglica i onih koje traže azil, uključujući: (i) pružanje njege tokom i nakon porođaja u prihvatnim centrima; (ii) rano prepoznavanje i sprječavanje rodno zasnovanog nasilja u centrima; i (iii) uvođenje rodno osjetljivih postupaka azila.

Očekivani početak realizacije projekata je januar 2021. godine, a maksimalno trajanje projekta je 6 – 12 mjeseci.

### **Kriteriji za odabir projekta/projekata**

Sljedeći kriteriji se koriste pri evaluaciji prijedloga projekata i oni predstavljaju i smjernice za definiranje glavnog i posebnih ciljeva prijedloga projekata:

- Projekat će doprinijeti sistemskoj održivosti rezultata GAP BiH 2018-2022.
- Jasno definisan opći i posebni cilj projekta koji će doprinijeti ostvarenju ciljeva FIGAP II programa.
- Jasno definisani rezultati projekta sa predviđenim aktivnostima, u skladu sa indikatorima FIGAP II programa.
- Jasno definisane ciljne grupe i njihove stvarne potrebe sa aspekta ravnopravnosti spolova.
- Iskustvo i/ili opredijeljenost za rad u oblasti ravnopravnosti spolova.
- Doprinos promociji ravnopravnosti spolova i podizanju svijesti javnosti o tematici vezanoj za ravnopravnost spolova među krajnjim korisnicima.
- Postojanje saradnje i partnerstva sa gender institucionalnim mehanizmima u BiH. Razvijanje institucionalne i vaninstitucionalne saradnje i partnerstva (između institucija i NVOa) na unapređenju ravnopravnosti spolova.

Dodatni kriterij u skladu sa Smjernicama je Teritorijalna pokrivenost prijedlogom projekta (Projektom je obuhvaćena teritorija koja omogućava sistematsko rješavanje projektnog problema na održiv način i sve ugrožene osobe su obuhvaćene.)

## **Pravo na podnošenje projektnog prijedloga**

Na ovaj poziv se mogu prijaviti nevladine i druge organizacije civilnog društva registrovane u skladu sa važećim propisima u Bosni i Hercegovini. Projektni prijedlozi će biti uzeti u obzir za finansiranje ako nevladina organizacija (vaninstitucionalni partner) zadovoljava sljedeće opšte uslove:

- Vaninstitucionalni partner je upisan u sudski registar ili drugi registar prema važećim zakonima;
- Vaninstitucionalni partner djeluje u oblasti ravnopravnosti spolova i/ili zaštite ženskih ljudskih prava, ili u okviru djelatnosti postoji prostor za promovisanje i primjenu standarda ravnopravnosti spolova (cijeni se na osnovu statuta i drugih akata vaninstitucionalnog partnera);
- Vaninstitucionalni partner ima ljudske i materijalne resurse za provedbu prijavljenog projekta;
- Vaninstitucionalni partner ne obavlja poslove iz djelokruga tijela javne uprave;
- Vaninstitucionalni partner vodi transparentno finansijsko poslovanje;
- Djelatnost vaninstitucionalnog partnera nije finansirana posebnim propisima i ne finansira se u cijelosti iz drugih izvora.

Sredstva **se neće** dodjeljivati vaninstitucionalnim partnerima čija se djelatnost finansira po posebnim propisima, ogranci, podružnice i slični organizacioni oblici, strukovna udruženja, udruženja čiji je osnivač politička stranka.

**Ukupan iznos raspoloživih sredstava** za 2020. godinu je 110.000,00 KM. Minimalan iznos sredstava koji se može dodijeliti po jednom projektnom prijedlogu je 10.000,00 KM, a maksimalan do 30.000,00 KM.

## **Dokumentacija i način podnošenja projektnih prijedloga**

Vaninstitucionalni partneri su dužni da prilože sljedeću dokumentaciju:

- Ovjeren i potpisan obrazac za prijavu projekta sa budžetom (koji je u prilogu Priručnika za dodjelu sredstava/grantova);
- Izvod iz sudskog registra ili drugog registra, ne stariji od 6 mjeseci;
- Potvrda o poreskoj registraciji (JIB);
- Dokaz o izmirenim porezima za prethodnu godinu;
- Kopija ugovora sa bankom o otvaranju transakcionog računa;
- Kopija Statuta ili akta o osnivanju;
- CV projektnog tima (svake osobe pojedinačno);
- Narativni izvještaj o radu vaninstitucionalnog partnera za prethodnu godinu;
- Bilansa stanja i Bilansa uspjeha za prethodnu godinu;
- Izjava o partnerstvu potpisana i ovjerena od strane svih partnera u projektu;
- Pismo namjere ili Odluka o finansijskoj podršci drugih donatora za sufinansiranje projekta.

Vaninstitucionalni partneri su dužni da prilože ovjerene kopije i/ili originale navedene dokumentacije.

Projektni prijedlozi se podnose isključivo putem **Prijavnog obrasca za projektne prijedloge vaninstitucionalnih partnera FIGAP II Programa**, koji je sastavni dio Priručnika za dodjelu sredstava/grantova u okviru FIGAP II Programa. Projektni prijedlozi moraju biti podneseni na jednom od jezika u zvaničnoj upotrebi u Bosni i Hercegovini. Svi listovi moraju biti čvrsto uvezani, sa označenim stranicama. Svi listovi moraju biti parafirani ili potpisani od osobe, odnosno osoba koje su ovlaštene da zastupaju podnosioca projekta.

Projektni prijedlozi se dostavljaju u skladu sa projektnom dokumentacijom i moraju biti računarski obrađeni i projekat mora biti dostavljen u i elektronskoj formi (CD). Prijedlog projekta se dostavlja u štampanom obliku u originalu i dvije (2) kopije, na kojima će jasno pisati: "ORIGINAL PROJEKTA" i "KOPIJA PROJEKTA". CD se dostavlja u koverti sa originalom. Original projekta i kopije trebaju biti zapečaćeni u neprovidnoj koverti, sa pečatom ili potpisom, imenom i adresom podnosioca, na kojoj će stajati: „PRIJEDLOG PROJEKTA ZA FIGAP II PROGRAM – NE OTVARATI”.

Projektni prijedlozi se dostavljaju lično ili putem pošte na adresu:

**Ministarstvo za ljudska prava i izbjeglice BiH,  
Agencije za ravnopravnost spolova BiH,  
Dubrovačka 6, 71000 Sarajevo**

tokom radnih dana (ponedeljak – petak, od 10 do 14.00), **najkasnije 21 dan od objave na web stranici Ministarstva**

**Svi prijedlozi koji budu dostavljeni nakon ovog datuma neće biti razmatrani uključujući i prijedloge koji budu dostavljeni poštom nakon tog datuma.**

Sva potrebna dokumentacija kao i dodatne informacije se mogu pronaći na web stranici Agencije za ravnopravnost spolova BiH, Ministarstva za ljudska prava i izbjeglice <https://arsbih.gov.ba/>, na web stranici Ministarstva za ljudska prava i izbjeglice Bosne i Hercegovine <http://www.mhrr.gov.ba/> te se također mogu preuzeti u prostorijama Agencije, ulica Dubrovačka 6, 71000 Sarajevo.

Broj: 10-37-2-2448/20

Datum: 21.12.2020.godine

**MINISTAR  
Miloš Lučić**